



Pou Piblikasyon Imedya: 19/10/2023

GOUVÈNÈ KATHY HOCHUL

**GOUVÈNÈ HOCHUL DEVWALE PLAN POU LABORATWA SIMILASYON SAL  
BLANCH MICRON KI KOUTE 15 MILYON DOLA A NAN ONONDAGA COMMUNITY  
COLLEGE**

***Sal blanch 5,000 pye kare a pral bay opòtinite pratik pou fòme plizyè milye  
etidyan pou travay nan Micron***

***Baze sou pwogrè Gouvènè a pou prepare rejyon an pou Micron apre 100 milya  
dola envestisman istorik la nan Sant New York***

***Reprezantasyon grafik lan disponib [isit la](#)***

Gouvènè Kathy Hochul te devwale jodi a plan pou laboratwa similasyon sal blanch Micron 5,000 pye kare Micron ki koute 15 milyon dola nan Onondaga Community College (OCC). Etablisman an, ki pral fèt dapre estanda ISO pou sal blanch Kategori 5 ak 6 epi ki sitiye nan Whitney Applied Technology Center OCC a, pral yon zouti empòtan pou ede fòme elèv ki nan Sant New York pou travay nan Micron. Yo prevwa konstriksyon an ap fini nan fen 2024 oswa kòmansman 2025. Divilgasyon an baze sou pwogrè Gouvènè a fè nan prepare Sant New York pou Micron, ki te anonse ane pase a yon envestisman istorik 100 milya dola pou konstwi yon kanpis megafab nan Clay, Konte Onondaga epi kreye 50,000 djòb dirèk ak endirèk pandan plis pase 20 ane k ap vini yo. Reprezantasyon grafik similasyon sal blanch lan disponib [isit la](#).

"Yon ane apre envestisman istorik 100 milya dola Micron te fè nan Sant New York la, plan sa yo pou yon laboratwa similasyon dènye modèl nan Onondaga Community College se prèv angajman nou pou asire rejyon an prepare", **Gouvènè Hochul te deklare.** "Soti nan lansman GO-SEMI pou senplifye pwojè Micron pou rive jwenn envestisman nan mendèv, edikasyon, ak gadri pou timoun, administrasyon mwen an ap poze baz pou arive Micron nou trè ap tann epi asire ke pwojè sa a se youn ki fè Sant New York – ak tout Eta New York – pwogrese".

**Vis Prezidan Egzekitif ak Direktè Resous Imèn Micron ak Prezidan Fondasyon Micron an, April Arnzen, te deklare,** "Nou fyè pou nou fè patenarya ak Onondaga Community College, Konte Onondaga ak Eta New York nan opòtinite sa a pou bay etidyan yo ekspozisyon pratik a karyè yo ta ka pouswiv nan Micron nan yon avni ki pwòch. Plan istorik nou an pou envesti jiska 100 milya dola pou konstwi yon megafab

isit la nan Konte Onondaga pral kreye prèske 50,000 djòb nan New York sou plis pase 20 ane – sa k ap ouvri opòtinite pou plis moun, ki gen ladan moun ki tradisyonèlman pa byen reprezante yo, pou okipe travay teknologik sa yo. Se yon onè pou nou avanse nan pwochen etap patenarya nou an ak angajman nou anvè kominote a jodi a nan OCC, yon enstitisyon ki kreye aksè ak pwomès, epi akeyi moun ki te deja pa t kapab pouswiv pasyon yo ak yon edikasyon ki pwolonje chemen an nan yon karyè solid nan teknoloji".

**Chèf Egzekitif Konte Onondaga a, Ryan McMahon, te deklare**, "Lè Micron te anonse ke yo ta pral rele Konte Onondaga lakay yo ak envestisman istorik yo nan White Pine Business Park, yo te pwomèt tou pou yo se vrè patnè kominote a nan tout sans mo a. Soti nan MOST rive nan YWCA, Micron pa jis envesti nan teknoloji memwa, yo ap envesti nan nou kòm yon kominote. Jodi a make yon lòt egzanp tanjib angajman yo anvè kominote nou an. Depi premye jou, administrasyon mwen an te rekonèt enpòtans pwojè sa a epi te pwomèt 5 milyon dola pou fè li tounen reyalite epi nou santi nou onore ak rekonesan dèské patnè nou yo nan Micron te egalize angajman sa a avèk yon lòt 5 milyon dola. Lavni Laboratwa Similasyon Sal Blanch nan OCC pral sèvi pou ede fòme mendèv Micron pral bezwen pou jenerasyon k ap vini yo epi mwen vle remèsyé Micron, OCC ak tout patnè ki te ede fè jodi a posib".

Yo te chwazi Onondaga Community College kòm youn nan patnè Micron nan edikasyon – youn nan plizyè sektè priyorite ki pral resevwa envestisman atravè yon Fon Envestisman Kominotè Green CHIPS 500 milyon dola. Anplis konstwi sal blanch lan, OCC ap fè avanse pwogram akademik li yo. Semès otòn sa a, kanpis la te lanse de pwogram ki gen rapò ak Micron: [Diplòm Lisans Asosye \(A.A.S.\) nan Teknoloji Elektwomekanik](#) ak [pwogram sètifikasi nan Teknoloji Elektwomekanik](#). Laboratwa similasyon sal blanch Micron an resevwa finansman egal nan men Micron, Konte Onondaga ak Eta New York atravè pwogram kapital SUNY an, yo chak te kontribiye 5 milyon dola.

[SUNY fè pati Rezo Semikondiktè Northeast University ke Micron, National Science Foundation ak Senatè Schumer te anonse an avril.](#)

**Rektè SUNY an, John B. King, Jr., te deklare**, "Te gen yon gwo elan pwoaktif atravè eta a pou prepare pou megafab Micron, epi nan SUNY, n ap elaji ak adapte pwogram akademik nou yo pou yo adapte ak bezwen Micron, epitou n ap konstwi enstalasyon modèn tankou nouvo sal blanch Onondaga Community College la. Nan tout kanpis SUNY yo, etidyan yo ap prepare pou siksè ak travay ki byen peye, ki gen anpil demann pou lè yo gradye, pou yo ka gen bon konpetans ak fòmasyon pou Micron ak lòt anplwayè yo. Tout sa posib grasa atansyon ak envestisman enpòtan Gouvènè Kathy Hochul, Lidè Majorite Sena a Chuck Schumer, delegasyon Kongrè Eta New York la, patnè nou yo nan lejislati Eta New York la ak Micron".

**Prezidan, Direktè Egzekitif Jeneral ak Komisè Empire State Development lan, Hope Knight, te deklare**, "Anba lidèchip Gouvènè Hochul, Eta New York ap pran yon apwòch global pou fòme mendèv nou an, kidonk rezidan yo pare kounye a pou travay demen ki gen demann yo. Nou kontan wè Micron ak patnè OCC nan envestisman sa a

pou etidyan nou yo gen konpetans ki nesesè pou travay ki byen peye ki pral pote yon richès opòtinite ak kwasans nan Sant New York".

**Prezidan Onondaga Community College, Warren M. Hilton, te deklare**, "Nou remèsyé Gouvènè Hochul pou lidèchip li nan bati fondasyon an pou jou enpòtan sa a. Lè li te siyen Lejislasyon Green CHIPS nan mwa out 2022, li te prepare wout pou desizyon Micron pou l'investi 100 milya dola nan reydon nou an ke Prezidan an te selebre sou kanpis nou an ane pase. Gras ak sipò Eta New York, Konte Onondaga ak Micron, nou pral byento genyen yon espas aprantisaj dènye modèl sou lakou lekòl la kote etidyan yo pral prepare pou karyè anrichisan nan endistri semikondiktè a. Nou espere envite tout moun tounen an 2025 lè nou inogire Laboratwa Similasyon Sal Blanch Micron nou an".

Kòmansman mwa sa a, te make anivèsè yon ane envestisman istorik Micron ki te rive jiska 100 milya dola pandan plis pase 20 ane k ap vini yo pou konstwi yon kanpis megafab nan Sant New York epi kreye 50,000 djòb nan Sant New York. Depi anons lan, Gouvènè Hochul te travay nan tèt kole ak patnè lokal, eta ak federal yo pou prepare yo pou arive Micron.

Nan kad bidjè ane fiskal 2024 la, Gouvènè Hochul te garanti yon envestisman 45 milyon dola pou kreyasyon Biwo Ekspansyon, Jesyon, ak Entegrasyon Semikondiktè Gouvènè a (GO SEMI), yon nouvo biwo eta a pou dirije ak santralize efò pou aplike pwojè Micron ak devlope ak fè avanse politik pou atire endistri semikondiktè ak chèn apwovizyònman. GO SEMI pral sipèvize tou kowòdinasyon devlopman mendèv ak envestisman kominotè ant patnè lokal, eta, federal, ak prive yo; dirije efò pou kreye, atire epi konsève mendèv trè kalifye ki nesesè yo; epi sipòte devlopman ini ki konsantre sou prensip kwasans entelijan yo.

Gouvènè Hochul te travay tou ak Micron pou sekirize envestisman prensipal nan peyi a nan gadri pou bay aksè a gadri serye ak abòdab pou anplwaye Micron yo, ki gen ladan opsyon gadri sou plas sou kanpis Micron an. Depi li te anonsé angajman Micron nan Sant New York, konpayi an te fè gwo envestisman nan gadri pou timoun ki pral benefisyé fanmi Sant New York yo. Nan fen ane pase a, Micron te pwomèt 500,000 dola bay YMCA nan Sant New York pou ede elaji aksè a bon jan kalite gadri ak aprantisaj bonè pou kominote defavorize nan reydon an. Micron te anonsé tou finansman pou pwogram Pakou Karyè pou Timoun Piti (Early Childhood Career Pathways), ke Childcare Solutions ak PEACE Inc. administre pou elaji sant gadri familyal yo.

Gouvènè a ak Micron te anonsé tou prezidan Komite Angajman Kominotè Micron, ke Gouvènè a te etabli pou gide estrateji envestisman pou Fon Envestisman Kominotè 500 milyon dola a. Depi anons lan, komite a te rankontre ak plizyè santèn rezidan epi kontinye tande ak aprann sou fason prezans Micron ka ede reydon an.

Gouvènè Hochul te angaje 350 milyon dola pou l'prepare mendèv New York pou travay lavni yo, ki gen ladan 150 milyon dola Biwo Devlopman Estratejik Mendèv (Office of

Strategic Workforce Development, OSWD) nan Empire State Development (ESD). Biwo a travay pou pi byen aliyen efò devlopman mendèv yo avèk bezwen ak priyорite anplwayè jodi a. Jiska prezan, biwo a te bay plis pase 24 milyon dola pou 39 pwojè fòmasyon plis pase 9,000 moun pou plis pase 300 patnè biznis, ki gen ladan plizyè pwojè ki ta dwe afekte rezèv talan ki nesesè pou Micron.

Micron ap pran mezi enpòtan tou pou fè pwojè sa a tounen yon reyalite. Anplis patenarya jodi a ak Onondaga Community College, Micron te anonse yon gwo parenaj nan Museum of Science & Technology, te lanse CHIP Camp li a, yon pwogram edikasyon STEM gratis pou etidyan lokal yo, epi li te etabli yon konsòsyòm inovasyon mendèv nan Syracuse University.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418